

TAITAS

Pol siya ta yokwowa Pasta Taitas siiram wînkika yîpikin iikamîm naîngwo tîbmiiyîm mhîuisim whîrin Krit nîkiuwiyîn solwara whîi idopwoniya nîdwomaiyîn siir hiranîm sîmiir kigrîraowîn. Taitas siya Juda inkam tanî, siya Grik inkamkin. Biyya Pol Taitas sowa iîpar mîriigo Jîsîs siir yaiwîn kibîya sair boînmîmauuwa sowar namswoko mhîugrîbsim whîrin Krit nîkiuwiyîn solwara whîi idopwoniya nîdwomaiyîn siir hîriirin mi Pol siya siirin hir haiburgig iikamîm naîngwo tîbmiiyîm hiranîm sîmiir kigrîraowîm. Mhoîiya Pol siya ta yokwowa ha wînkiya Taitas siiram siir boînmauu wakaekiyam siyîuîn iikamîm naîngwo tîbmiiyîm sîmiir kigrîraowîyîn. Iriig.

¹ Kara Polkin, ta yokwowa kara wînkika. Kara Adi Komii krîmiir Wanîn siir miyan inkamkin mi iîriipi hîriinan kara Jîsîs Krais siir aposel inkamkin mi siyakîsiyar nîkropkikin kariirin, Adi Komii siîrgisiir iikamîm yîpiki siya nîmbinîm sîmiir naîngwo tîbmii aiir kiyîrimdiyûukikinîm mi ta hîriinan saiirsika mi yîpikim siya nîmbinîm Adi Komii siîrgisiirîm naîngwo tîbmii kînîm sîmiirîm.

² Mi sima Adi Komii siir siyîumwokîsiyîumwo imiir ninoknînkinî mi ta hîriinan saiirsika mi sima wa ninoknînkinî sîmiir kwoin imiirin sima wi omwaiya waiyayokiyokîi, iîya Adi Komii siya ti nu iîirar nonkwokwokiyîn siya krîmiirin saiirar nîmbingin ti dimin iîirîmin. Krîma ina ninoknînkinîm Adi Komii siya bi niksisaeikin, dimin taeminîm siyar boîniyîm pi

kaimwokinar nnowi. ³ Mi iiya siya nimbina siya siir yaiya saair bwamkibwamin siir tirkikin kwoinbudin hiriayar nwoyokiyokiikaeyamiyin siir nanaakninki haiginiugin kariirsi. Mi Adi Komiiyin krímiir nanmaiwarkainan inkamin kariirin siya nimbingsiir yaiyim iki iikamim simiir boinmimauuim.

⁴ Taitas, ta yokwowa kara kiriiram wínkika. Ti dimin taeminim Adi Komii siirim kríra wakaeyokna apiyim mi ta hiriinan saiirsika, kara kiriirin kariir yinisim asi nikiuwi. Kara hiniina naingwowi kríriir Adi Komiiyin mi Jisis Krais inkamin iikam krímiir nanmaiwarkainaeiyin sowa naingwobumbu mi nongwomamaírni siyiuin wi kiriir hauuwi.

Taitas siir miya nu Krit siya miriyya

⁵ Mi iiya kara warí mhíuisimin Krit whí solwara bopwoniya waraur dídwomaiyin siir haiburgigin mi miyim iikamim naingwo tibmiiyim simaka miriyyamin ini hiriayar iki okiyim. Mi kara kiriirim niyopnisugikin ti dimin imiirin kira sibgu whindiriraerar haiginiuwim. Mi ıríipi hiriinan kira kam nhírmí ti okmwín okwo haiginiu wara iikamim yípíki Adi Komii siir inig iiir hangiriyiu hainaniyim warí om imiir nnowim simiir kigríraowam. ⁶ Ti biiyan kamim biiya sima siyu biyie tir karamae nnowim mi tariinan ıríipi hiriinan mi sima wigim ırara ırara donkwona mi simiir yinisim Krais siir yai imiir wakaeyokna ap mi ta hiriinan saiirsika iikam nhírim sima wi dimin biyie whir hansiryiskai rani simiirin mi wi ha boin tani, simiir yinisim sima siyu biyeyar tirikim mi

simiir kwoinairgar priinaingwo apdiriraerarikim mi sima simiir yopii admi yaimin dimin imiir bi wakaeyoknaeikim. Mi sima ta saiir hiriinan kipi nwo. ⁷ Mi inkamin Adi Komii siir dimin taeminim simiir kigriraowan bii nwowi mi siya biiya siyu miiyik imiir tirkin mi ini tariinanar yadigniyin. Siya nantamyiryiran inkam kipi nwo siya kwoin haugihauga whiyiesauan inkam kipi nwo, siya op wain kirie kirieyim simiirin hirihiirii kipi mi kwiyae mi siya yaii niniinansaowan inkam kipi nwo, siya umir haiyarama kipi naingwo ta hiriinana saiirsika siya wi siyu biyie asi tiri. Niingakiinga. ⁸ Mi siya iikamim nu maeyau nhirankim nitim yipiki siyu miiyik imiir wakaeyokna apim naingwowim simiir whindiriraerar haiginugim mi siya, siya siya kigriraonaei mi ta hiriinan saiirsika siya wi Adi Komii siir yai imiirar nwoki wakaeyokna apim mi siya siir kwoin iirar sibgu kontimdinuna mi siya wi wadie nwoki owim. ⁹ Siya sibgu donkworinukripkai yai miiyik miiyikim biiya krima niisiimauuwim simiir mi ta hiriinan saiirsika siya iikamim simiirin ti yai kibi kibiyim simiir nwoki owimwarkaiywim mi simiir whinkinsiis haiginiu mi siya iikamim yipiki ti yai miiyik imiir nap karam nwowim simiir kwoin imiir kiyai mi ta hiriinan saiirsika sima wa ninokninkinim dimin biyie sima tirim. Iriig.

¹⁰ Siya ti dimin imiirar tir. Dimusi rani, iikam whiekakim sima pi borisopi Adi Komii siir yai aiir wakaeyim. Sima yaiyim yaimwoni boin karamae nwowiyim simiirrar boinikim mi iikamim simiirin pi simar mi iksisaei. Mi ti iikamim

niksisaeyim yim ti sima ti hiniina boiniyim, kima
 kimiir miois imiir kitiyopnir hai mi ta hiriinan
 saiirsika sima wi Adi Komii siilar nwoki sibgu
 wakaeyokna apim. ¹¹ Kira mi biiyan kam iikam
 waraur nwowim kima simiir dikidu sima hiriinan
 dimin bibiyeyim simiir kipi nomboboin. Ti
 kamim sima yai bibiyie imiirar boinkim iikam
 imiir niksisaeyim. Sima iikamim simiir kwoin
 imiir kiyaiyam mi iikam nhirim om nhiranim
 simiir kwoin imiir warar mi kiyaiigim mi simiirar
 mi onkwobumbuninkin haiginiuwigim. Sima
 yai biyie imiirar boinkim mi ti dimin imiirar
 tirkim mi ta hiriinan saiirsika sima wi umir
 nwoki haiyim iikam nhirim simiir maeyau
 hirankin. ¹² Biiyan kamim simiir nwirin om
 Krit hiranin yipiki kwoin miyyik sima nwowiyn,
 siyakisiyar boinkikiikin mi siya ina boin.
 Krit hiran kamim sima niksisaeyaki waiwiigim
 iinokiinokin, simiir kwoinim miyyik rani mi siyu
 bibiyeyim sima tiriylim ini siyuim niimauan
 wraisuim sima diriraerariyim ini simiir hiriinan
 ywowim. Sima nhakiu kiriekim mi naeyarar
 naekim. ¹³ Ti yaiyim ti inkamin siya boinkiyim
 kaimwokimaergim kira simiir dikwao boin mi
 sima wi siir yai imiir nwoki sibgu wakaeyokna
 aingwo tibmii apim. ¹⁴ Mi ta hiriinan saiirsika
 sima wi Judami iikam simiir wanmi siyuim
 simiir wakaeyokna ap rani mi iriipa hiriinan
 sima wi iikamim yipiki Adi Komii siir siyu imiir
 haimriiyugigim sima wi simiir siyu imiir nap
 tani. ¹⁵ Iikam nhirim simiir kwoinim dimin whirki
 kimbu karamae nwowim yim sima hiniina boini ti
 dimin taemin whiekakim dimin whirki bi kimbu

miminkim mi simiirin kipi haiya mi iikamim
 yiþiki Jisis Krais siiram naingwo tibmii karamae
 nwowim mi yiþiki iikamkim simiir kwoinim
 ninaingwoyimiyokim mi kipriþkikaiyim mi
 biyie ha nwowim mi kwoin biyie ha naingwomi,
 sima hinina boini dimin whirki wadie bi swoki
 omiminkin. Dimusi rani, simiir kwoinin miiyik
 rani. ¹⁶ Sima hinina boinikim sima Adi Komii
 siir yai imiirar wakaeyokna apikim mi ti diminim
 sima tiriyyim krimiirin sima niisiimauuwi sima
 siir yai imiir wakaeyokna ap rani. Sima Adi Komii
 krimiir Wanin siir yai imiir bi swoki wakaeyokna
 apikim mi Adi Komii siir whwonkam idan sima ini
 biyiekibiyie ywowim mi sima wi dimin miiyiksime
 whir swoki tirmimin tani. Niingakiinga. Iriig.

2

Mi kirayai miyiþkmiiyik imiirara wakaeyokna ap

¹ Taitas kira iikamim iinokiiinokin dimin
 taeminim yiþiki iikamim Adi Komii krimiir
 Wanin siirim naingwo tibmiiyim, sima naingwo
 tibmiiyim simiirin, siyumwokisiyumwowim
 simiirgisiimiarara sibgu omwomwarkaiyu. ² Mi
 kira kamim waipiù nwowim simiirin hinina
 boinmauu, sima op kirie kirieyim kwiae
 whaowaeiyim simiir kipi kwiae. Mi sima
 simiir kwoinim sibgu kintidinu mi sima Adi
 Komii siirim daingwo tibmii kin iski. Mi sima
 iikam nhirmiyam ha timi aingwokwonanae mi
 iikam nhirkim sima dimin biyie tir haiginiuwi
 simiirin mi yim sima ha donkworinukripkai
 simiir naingwo tibmii aiirin. ³ Mi kira wigim
 waipiù nwowim simiirin sibgu boinmauu,

dimin taeminim sima tiriyyim iki wigim yipikim Adi Komii siir yai air wakaeyokna apiyim simiir hiriinan mriyyim. Mi sima hinda tinda kipi priyam priyam yai iikam nhirmi kinaopitkaigaiyuwam mi simiir kwoinim op biyieya kwiyae whaowaeiya saiir kwiyayam kipi naingwo mi sima sibgu dinokninkin mi wig nhirim simiir diisiimauu siyu miyyik imiir.

⁴ Mi sima wig kopak mi nhirim waipi nwo karamae nwowim sima simiir diisiimauu siyu in simiir yinkamam naingwokwonanaeiyin siir.

⁵ Mi iriipi hiriinan wigim waipi nwo karamae nwowim sima hiriinan timi o mi wi sima nwoki iiisiimauuwim wig kopak imiirin siyu miyyikin. Sima, simasima sibgu kigriraona. Minam, sima mi miyyikmiyyik simiir omakanau hirar mriyyim mi dimin taemin miyyikmiyyikim iikam nhirmi tiram mi simiir kami yai imiir wakaeyokna api mi ta hiriinan iikam nhirim sima Adi Komii siir yai airin wi kipi mingigin.

⁶ Mi iriipa hiriinan, hiriinan siyu kaimwowin sirar ti swoki iiisiimauu yainan whran imiirin mi yim wi simiir kwoin imiirar nwoki kintimdinunam. ⁷ Taitas, kira iriipi hiriinan mi miyyik aiirar timi sibgu mirii. Mi kira hiriinan tiri mi yainan whran imiirin kira wi siyu miyyik imiirar iiisiimauuwi sima napamin. Mi iriipi hiriinan kira simiirin yai kibikibi imiirar boinmimauuwi ⁸ Mi kira yai miyyik miyyik imiirara boinmimauu. Mi kira hiriinan boini mi inkamki kiriirin wi ha boin tani, ti yaiyim kira boinmimauuim yim kaimwo rani. Mi kira iriipi hiriinan swoki boin mi iki iikam nhirim io

whwonkam k̄iriir nanaowiyim sima wi yai bibiyie
kr̄imiir boin tani. Niingaka.

9 Mi k̄ira kamim yipiki whisarii mii sibm̄iriyyim simiirin hinina boinmauu, sima, simiir biyan kamim simiir yai imiir wakaeyokna dir̄eraerar dimin taeminim sima boiniyim, mārgimārga simiir nwowaiginuwam. Mi sima wi kamim simiir kigr̄iraowiyim simaka k̄ipi swoki antamyiriyirmim̄in. Niingaki, niingakiingga. **10** Mi iriipi hiriinan sima simiir biyan kamim simiir dimin taemin imiir k̄ipi tauae hai. Mi hiriinan tirni hinin aka mi sima simiir biyan kam imiirin hinina diisiimaauu, ti kamim simārgim yipiki iinokiinokin mii miiyikarar miriyyim. Mi sima hiriinan tiri yaiyim kr̄ima boinm̄imauuwim Adi Komiiyin iikam kr̄imiir nanmaiwarkainan siirim mi iikamim simiir whwonkam ida wi wadeyer nwowi.

11 Mi Adi Komii siir naingwobumbuwa bidi yimbiniya iikam whiekakim simiir nanmaiwarkainam iiya sima dimin biyeyim simiir aowa nik̄i owa saiarsi. **12** Ti dimin̄in tisi bidi yimbiyamin, yio kr̄imiirin hinina n̄isiimauugin, nu tiran dimin bibiyeyim inkam ima tiriylim, kr̄ima digumii simiir haimriyyiugig. Mi kr̄ima kr̄imasiyar mintaraona ti siyi miyikin kr̄ima tiriylim, inkamin yipikin Adi Komii siir wakaeyokna dir̄eraerariyin siir hiriinan. Mi kr̄ima hiriinan siyuin mhoiyya iriipi hiriinan iirar tirkripkaii mi wi iiya Jisis siya nitana saiilar nwok̄i digim. **13** Mi iriipi hiriinanar swoki tiri mi kr̄ima mārgimārga nwokwokini i k̄ibiya Jisis Krais siya swoki iuuniyana saiiramin. Mi ti

inkamin yipiki krimiir nanmaiwarkainaeyin mi krimiir Adi Komiiyin, siya wi siir dimin kibiyin paenan niuyaeyin saikar nimbini. ¹⁴ Mi siya krimiarsi naokin, krimiirin dimin biye siir kirie komiiya krimiir kiyopsimsibgi haiginuwa sair hiranki nanmaiwarkainam. Mi siya ti hiriinan sairska tirkikin krimiir mhii kwoinim wi dimin whirki kimbu karamae nwoki owim mi krima wi siirgisiir iikam nwowim. Mi krima wi siir dimin miyyik miyyikim simiir tiram nwoki aingwowim mi krimiir kwoinim wi kirieya nwowim siir dimin miyyikmiyyikim simiir tirim.

¹⁵ Taitas, kira hiriayar boinmimauuyokiyokii ti dimin taemin imiirin, whisarii rani, kira kirie komiiya Adi Komii siir hiranki haigin. Mi ta hiriinana sairska iikam imiirin siir kiriene diisiisiimau tti dimin taemin hinin imiirin, iikam nhirmi yai wakaesi dimiiyu mi iikam nhirmi whinkinsis haiginuwyim mi kiriir whwomisin kipi ninansiina mi sima digumii kiriir kipi haimriiyu kiriir yai aiir wakaesi mi sima kiriirin ha kipi naingwo kira inig karamae inkamkin. Ningaka. Iriig.

3

Krima whiekakarin dimin miyyikmiyyikim simiirrar kigna diriraerar

¹ Taitas ti iikamim Adi Komii krimiir Wanin siir isid iir nwowim, kira simiirin ti swoki boinworwokai, sima simiir gavman iirin kipi swoki aingwo owouu, inkam yipiki simiir kou nwowiyin. Sima simiir yai imiirar wakaeyokna. Sima simiir kwoinim sibgu kisisop haiginkwokin

mii miiyikmiiyik whiekakim simiir miriyyam.
² Mi iripi hiriinan, simiirin domwarkaiyiu, sima yai bibiyie iikam nhirmi kipi boin mi sima yai min kipi mi inii mi simiir kwoinim hiinsima dwo mi iripa nongwomamair aeyim daingwo iikam nhirim simaka. ³ Mi bidibidiniyarin krima Adi Komii siir dimin taemin imiir bi sibgu inomokninkinkim mi simiir bi wakaeyokna apkim. Mi krima habwwowhaenankim mi siir yai aka asi nantamyiriyirkim. Mi krimiir kwoin bibiyeyim sima kiyainamkin dimin biyie tiram mi ti hiriinan siyu iir nwowam. Mi krima whisarii mii priimiriyan iikam nwokim. Dimusi rani, krimiir kwoin bibiyeyim simar nikti kiyopsimsibgi haiginiugikin. Mi krima iikam nhirmi siyu bibiyie asi tiryokiyokiigim. Mi krima simiirin kwoin bibiyie asi naingwokim. Dimusi rani, sima krimiiram bi mi naingwokim mi nim iripi hiriinan simiiram bi mi aingwokim. Iripi hiriinan, ti hiriinan siyuin krima krimarin irni nwirniyin ini sau omomnan ywowim. ⁴ Mi ti siir hiriinan siyu miiyikin, krimiir nanmaiwarkainan inkamin Adi Komii siya, siya iikamim krimiir niisiimauugin, siya inkam wadieyaargin mi siya krimiiram naingwokwonanaeikin mi siya Jisis siir yikrop iuungi krimiir whinkinsiis haiginiuwim.
⁵ Mi tiya siya krimiir nanmaiwarkaina, siya iki krimiir mii miiyik miiyikim krima mireyyim simiirsi bi nanmaiwarkainakin. Niingaka. Dimusi rani, siir naingwobumbu kirie komiyya krimiirsi nwowa mi ta hiriinan saiirsika siya krimiir asi nanmaiwarkainakin. Mi ta hiriinan saiirsika Adi Komii siir naeyiuin siya

haiyoprimdiyiumiigikim ti dimin bibiyeyim krimiir kwoinau nwokaiyim. Mi ta hiriinan saiirosika, krimiir kwoinim dimin whirki kimbu karamae asi nwokim. Mi iriipi hiriinan miiya Adi Komii siir naeyiu ieya mireiya, siya minam tirkim krimiir kwoinim simiir kisina haigiyim iikam winan nwowam mi yaeya kwoin win nwowam, Adi Komii siir piugan anakar. ⁶ Mi ta hiriinan saiirosika inkamin krimiir nanmaiwarkainan Jisis Krais Adi Komii siya krimiirin siргisiir naeyiu iirar hauugikin. ⁷ Mi iriipi hiriinan, ti dimin taeminiim Adi Komii siir naingwobumbuwa saeya tirim krimiir, siir whwonkam ida dimin whirki kimbu karamae nwowi mi ta hiriinana saiirosika, krima wi saika nwoyokiyokiikaeyami, krimiir kwoinka naingwowiya saiir hiriinan. ⁸ Mi ti dimin taeminiim yipiki kara boinanim kiriir, yim yaimwokiyaimwowaиргим. Mi kara kiriirin minam naingwo kira ti iikamim naingwo tibmiyim simiirin hiriayar dowomwarkaiyukripkai mi sima, sima simasiyar mintaraona mi ti hiriinankinuwu sima mii miliyikmiyik imiirrarar mirii. Mi ti yaiyim yim wi digar nwowi iikamim simiir whinkinsiis haiginiuwim. ⁹ Mi kima yai biyie niingga saiir kipi whrie boin mi kima kimiir yidiwi wanwiyaeyim biiyanim simiir hiriinan kipi boinanae. Mi kima Moses siir siyu komiiyin siir yaiyim simiirsi kipi ninkinwamwarkii boin. Mi ti hiriinan yaiyim yim wi iikamim simiir whinkinsiis haiginiu rani mi wi simiir haipridkikai haiginiuwi mi wi hik simiir hauuwi mi yim ti hiriinan yaiyim yim naekak rani. ¹⁰ Mi yipiki inkamki ti yai nae karamaeyim

s̄imiir wakaena dir̄raerari yio w̄ iikam̄im yipiki iikam̄im nāngwo t̄ibmiiȳim w̄ s̄imiir n̄inikibiri yapa yapa nwowam mī mhoiiya tī iikam̄im s̄imiirin idip̄ idip̄in w̄ kwisairnana bōinmauu wakaei. Mi ta saiir mhoiiyan s̄ima w̄ kiriir yai air wakaeyokna rani mī kima whiekakarin digiumii w̄ tī iikam̄im s̄imiir haimriȳugigi.

11 Mi kira tī hiriinan iikam̄im s̄imiir b̄idiyar yinokn̄inkin̄in s̄imiir kwoin̄im uridȳiu biyieki b̄idi kwirii idwokaiȳim. Mi tī hiriinan miī biyieȳim iinokiinok s̄ima miriiȳim ȳim ha niisiimauuwi s̄imiir kwoin̄im whirua nwo rani, ini hindara haipridkikaiȳim. Iriig.

Mī yaiisisim nhir ikim

12 Taitas kara w̄ om komii Nikopolis hir nwowi mī ta naop iiya w̄ saeya digi. Mi kara Atimas Tikikas, siirin w̄ haniīngi n̄ikropki kiriiram̄in. Mi kara ha nāngwowi kira siyuam tī hansir kariiram̄ nitam. **13** Mi kira Sinas siir whinkinsiis haigin̄iu yipiki om komii Roman siyu komiiȳin siir dimin̄ taemin̄ imiir ninokn̄inkin̄im. Mi kira Apolos siir warar timī whinkinsiis haigin̄iu. Mi kira sowiir siyu min̄im mī dimin̄ taemin̄im sowa hanguguwim sowa hainamam s̄imiir wara whindir̄raerar haigin̄iugi. **14** Mi krimiir iikam̄im s̄ima siyuun siyu miyyik̄ tiriycin̄ siir dinokn̄inkin̄ mī iikam nhirim̄ dimin̄ taemin̄im s̄imiir kiyopsibgi haigin̄iuȳim mi yipiki hikak s̄imiirsi nwowiȳim s̄imiir whinkinsiis haigin̄iu. Mi s̄ima hiriinan tiri mī w̄ paeȳin paenidḡi bud karamae nwowiȳin siir hiriinan nwo rani mī ȳim s̄ima w̄ paeȳin paenid budiȳin mī ha naokingugunankaiiȳin wi

siir hiriinan nwowi mi sima wi Adi Komii siir siyiu
iirrar sibgu wakaeyokna api.

¹⁵ Taitas iikam whiekakim yipiki kanakar
nwowim sima kiriir nokboin mairstimairstikim.
Mi krimiir nomiiyauim yipiki Adi Komii krimiir
Wanin siir piugananim simiir warar mi ikboin
mairstimairstikim. Mi kara Adi Komii siir
naingwobumbuwa saiiram sriigin saeya wi
kimakar nwowi. Iriig.

**Yai Win Kibiya
The New Testament in the Sepik Iwam Language of
Papua New Guinea
Nupela Testamen long tokples Sepik Iwam long
Niugini**

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 9 Oct 2020

5350dc83-93b2-5000-9c98-dcdb728ba84f